

唐書列傳

竇羣字丹列京地金城人父姝向以詩自名代宗時位左拾遺羣兄弟皆擢進士第獨群呂處士客隱毘陵母卒齧一指置棺中廬墓次終喪從廬庇傳啖助春秋學著書數十篇蘇州刺史韋夏卿薦之朝并表其書報聞不召後夏卿入爲京地尹復言之德宗擢爲左拾遺時張薦持節使吐蕃乃遷羣侍御史爲薦判官入見帝曰陛下卽位二十季始自艸茅擢臣爲拾遺何其難也呂二十季難進之臣爲和蕃判官一何易帝壯其言不遣王姝文黨盛雅不喜羣羣亦悻悻不肯附欲逐之韋執誼不可乃止羣往見姝文曰事有不可知者姝文曰奈何曰太季李實伐恩恃權震赫中外君

此時逡巡路傍江南一吏耳今君又處實之勢豈不
息路傍復有如君者乎矧文悚然亦卒不用憲宗立
轉膳部員外郎兼侍御史知雜事出爲唐州刺史節
度使于頔聞其名與語奇之表召自副武元衡李吉
甫皆所厚善故召拜吏部郎中元衡輔政薦羣代爲
中丞引呂溫羊士諤爲御史吉甫曰二人躁險持不
下羣伎狠反怨吉甫吉甫節度淮南羣謂失恩因擠
之陳登者善術疾過吉甫家羣卽捕登掠考上言吉
甫陰事憲宗面覆登得其情大怒將誅羣吉甫爲救
解乃免出爲湖南觀察使改黔中會水壞城郭調谿
洞羣蠻築作因是羣蠻亂貶開州刺史稍遷容管
經略使召還卒于行年五十五贈左散騎常侍羣狠

自用果於復怨始召將大任之衆皆懼及聞其死乃
安兄常牟第庠鞏皆爲郎工詞章爲聯珠集行於
時義取昆弟若五星然常字中行大曆中及進士第
不肯調客廣陵多所論著隱居二十年鎮州王武俊
聞其才奏辟不應杜佑鎮淮南署爲參謀歷朗夔江
撫四州刺史國子祭酒致仕卒贈越州都督牟字貽
周累佐節度府晚從昭義盧從史從史寢驕牟度不
可諫卽移疾歸東都從史敗不召覺微避去自賢位
國子司業庠字胄卿終婺州刺史鞏字彥封雅裕有
名於時平居與人言若不出口世號聶喑翁元稹節
度武昌奏鞏自副卒

寶氏聯珠集目

目錄

寶常

有序

晚次方山精舍却寄張薦員外

和裴端公樞燕城秋夕簡遠近親知

謁諸葛武侯廟

奉賀太保岐公承恩致政

四皓祠堂卽事

項亭懷古

奉使鹵還早發小礪館寄盧滁州邁

之任沔陵寒食日途次松滋渡先寄劉員外禹錫

奉贈寶大員外兄松滋渡見寄之作

劉禹錫

奉送職方崔員外攝中丞新羅冊使

早發金鉤店寄奚十唐大二茂材

途中立春寄懷楊郇伯

七夕寄懷

故祕監丹陽郡公延陵包公挽歌詞

涼國惠康公主挽歌

哭張倉曹南史

過宋氏五女舊居

奉寄辰州房使君郎中

酬竇大閑居見寄

房孺復

北固晚眺

謁三閭廟

竇牟

有序

史館候別蔣拾遺不遇

早赴臨臺立馬待漏口號寄第羣

天津曉望因寄呈分司一二省郎

竇洛陽見簡篇章偶贈絕句

楊憑

奉酬楊侍郎十兄見贈之作

早入朝書事

秋夕閑居對雨贈別盧七侍御坦

杏園渡

元日喜聞大禮寄上翰林四學士中書六舍人

二十韻

緱氏拜陵迴道中呈李舍人少君

陪韓院長韋河南同尋劉師不遇

同前 韓愈

同前 韋執中

奉誠園聞笛 園馬侍中敬宅

李舍人少尹惠家醞一小榼立書絕句

答竇二轉長留酒還榼一絕 李益

送東光呂少府之官連帥奏授

送劉公達判官赴天德軍幕

故祕監丹陽郡公延陵包公挽歌

晚過敷水驛却寄華州使院張鄭二侍御

洛下閒居疲晴觀雪寄四遠諸兄弟

奉酬侍郎家兄東洛閒居疲靜觀雪之什 庠

奉使至邢州贈李八使君

秋日洛陽官舍寄上水部家兄

酬舍弟牟秋日洛陽官舍寄懷十韻 常

望終南

酬舍弟庠罷舉從州辟書

竇羣 石序

題劍

黔中書事

初入諫司喜家室至

艸堂疲坐

冬日曉息寄楊二十七鍊師

貞元末東院嘗接事今鹵川武相公于茲三周

謬領中憲裴伯廳字多獲文篇夏日即事因
繼四韻

晨興贈友寄呈竇開州

武元衡

奉答鹵川丞相公晨興贈友見示之作

竇三中丞去歲有臺中五言四韻之什未及

酬答承領鎮黔南途經蜀門百里而近願

言欵覲封畧間之因追酬曩篇持以為贈

武元衡

雪中寓直

同前

章貫之

春雨

東山月下懷友人

贈劉大兄院長

奉酬竇三中丞見贈

劉伯翁

經潼關贈宇文十

送內第袁德師

觀畫鶴

北地

時興

雨後月下寄懷羊二十七資州

晚自臺中歸永寧里南望山色悵然有懷呈上

右司十一兄

假上尋花

中牟縣經魯公廟



寶庠

有序

太原送穆贄南遊

四皓驛聽琴送王師簡歸湖南使幕
夜行古戰場

寶五判官罷舉赴商州辟書袖文相訪書懷

話舊因抒鄙辭

韋渠牟

酬謝韋卿二十五兄俯贈輒敢書情

段都尉別業

靈臺鎮贈丘岑中丞

奉和王侍郎春日喜李侍郎崔給練張舍人韋
諫議見訪因命觴觀樂之什

勅目至家兄蒙淮南僕射杜公奏授祕技兼節

度參謀同書寄上

贈旃芬上人

金山寺

酬韓愈侍郎登岳陽樓見贈

冬日寓懷奉寄翰林王補闕

醉中贈符載

東都嘉亮亭詩

留守府酬皇甫曙侍御彈琴之什

龍門看花

金山行

于闐鐘歌

有序

陪留守僕射巡內至上陽宮感興二首

寶鞏

有序

老將吟

贈蕭都官

江陵遇元九李六二侍御紀事書情呈十二韻

酬寶七相贈依次重用本韻元稹

忝職志昌初至夏口書事獻府王相公

戲酬副使中丞見示四韻元稹

微之見寄與寶七酬唱之什本韻外勇加兩

韻白居易

寶七中丞見示初至夏口獻元戎詩輒戲和

之裴度

鄂州使至寶七副使中丞見示與元相公獻

酬之什鄙人任戶部尚書時中丞是當司員外郎每示篇章多相唱和今因四韻

寄所懷令狐楚

早秋江行

題任處士幽居

南遊感興

放魚

漢陰驛與宇文十相遇旋歸鹵川固巨贈別

早春松江野望

陝府賓堂覽房杜二公仁壽年中題紀手迹

登玉鈞亭奉獻淮南李相公

早春送宇文十歸吳

少婦詞

歲晚喜遠兄弟至書情

南陽道中作

哭呂衡州八郎中

贈阿史那都尉

經寶車騎故城

遊仙詞

寶氏聯珠集目錄

終

竇氏聯珠集

聯珠之義蓋取一家之言臣偕列郎署法五星如
聯珠星星郎也凡詩一百首

故國子祭酒致仕贈太子少保府君詩并傳

府君諱常字中行扶風平陵人也祖亶同昌郡司
馬贈水部郎中皇考焯向仕至老拾遺贈尚書右
僕射當代宗皇帝朝善五言詩名冠流輩時屬貞
懿皇后山陵上注意哀挽卽時進三章內考首出
傳諸人口者有禮遜生肯貴息追歿後榮又命婦
羞蘋葉都人插柝花又禁兵環素帟宮女哭寒雲
脩在文集故刑部侍郎包佶製序府君同氣五人
各載首序府君大曆十四季舉進士與故吏部侍

郎奚陟商州牧下俛秘技獨孤授同年上第迨拾遺下世力養繼親家無舊產百口漂寓錄是棄高科於盛時就泉府之少職遭迴者十季厥後載罹家禍因卜居廣陵之柳楊鹵偏流泉種竹隱几著書者又十載繇擢第至釋褐凡二十季洎貞元十四年秋成德軍節度使太尉王公命從事御史盧泚貺五百金辟爲掌記不就其年淮南節度左僕射霸陵杜公奏爲參謀授祕書省校書郎厥後歷泉府從事繇協律郎遷監察御史裏行居無何湘東倅戎轉殿中侍御史賜緋魚袋元和六年繇侍御史入爲水部員外郎亦旣二歲婚嫁未畢求牧守之官出爲朗州刺史轉固陵潯陽臨川三郡旣

罷秩東歸舊業時宰嘉招固辭衰疾因除國子祭酒致仕寶曆元年秋寢疾告終于廣陵之白沙別業享年七十七其季詔贈越州都督會昌元年武宗卽位恩覃中外嗣子弘餘任廣州刺史准赦改贈太子少保有文一十八卷鹵江逸民褚藏言製序

晚次方山精舍却寄張薦員外

楚臘還無雪江春又足風馬羸三逕外人病四愁中鹵塞波濤潤南朝寺舍空猶銜步兵酒宿醉在除東和裴端公樞蕪城秋夕簡遠近親知

歲積登朝戀秋加陋巷貧宿醒因疲歇佳句得愁新盡日憑幽几何時上軟輪漢廷風憲在應念匪躬人

謁諸葛武侯廟

永安宮外有祠堂，魚水恩深祚不長。
角立一方初退舍，擬稱三漢更圖王。
人同過隙無留影，石在窮沙尚啓行。
歸蜀降吳竟何事，爲陵爲谷共蒼蒼。

奉賀太保岐公承恩致政

君爲宮保及清時，冠蓋初開拜武遲。
五色詔中宣九德，百寮班外置三師。
山泉遂性休稱疾，子弟能官各受詞。
不學鑄金思范蠡，乞言猶許上丹墀。

君爲宮保一作召公爲保

四皓祠堂卽事

奪嫡心萌事可憂，四賢卽笑暫安劉。
後王不敢論珪組，土偶人前枳樹秋。

項亭懷古

力取誠多難，天亡路亦窮。
有心裁帳下，無面到江東。
命厄留騅處，年銷逐鹿中。
漢家神器在，須廢拔山功。

奉使鹵還早發小礪館寄盧滁州邁

野棠花覆地，山館夜來陰。
馬蹟穿雲去，雞聲出澗深。
清風時偃艸，久旱或爲霖。
試与惇嫠話，猶堅借寇心。
之任去陵寒，食日途次松滋渡，先寄劉員外禹錫。

錫

杏花榆莢曉風前，雲際離離上峽船。
江轉數程淹驛騎，楚曾三戶少人煙。
看春又過清明節，筭老重經癸巳年。
幸得枉山當郡舍，在朝長詠卜居篇。

奉贈竇大員外兄松滋渡見寄之作

朗州員外司馬劉禹錫

楚鄉寒食橘花時野渡臨風駐綵旗艸色連天人
去住水紋如縠蕤參差朱輪尚憶群飛雉青綬初
懸左顧龜非是溢城魚司馬水曹何事與新詩

奉送職方崔員外攝中丞新羅冊使

帝命海東使人行天一涯辨方知木德開國有金家
冊拜申恩重留權作限賒順風鯨浪熟初日錦帆斜
夜色潛炎火秋期獨往槎慰安皆喻旨忠信自無瑕
髮美童年髻參香子月花便隨琛賁入正朔在中華
早發金鈞居寄奚十唐大二茂才

出門山未曙風葉暗蕭蕭月影臨荒柵泉聲近廢橋
歲經秋後役程在洛中遙寄謝金門侶弓旌悞見招
途中立春寄懷楊郇伯

浪跡終年客驚心此地春風肯獨去馬澤畔耦耕人
老大交情重悲涼物外親子雲今在宅應見柳條新

七夕寄懷

露盤花水望三星髣髴虛無爲降靈斜漢沒時人不
寐幾條蛛網下風庭

故祕監丹陽郡公延陵包公挽歌詞

卓絕明時第孤貞貴後貧郗詵爲胃子季札是鄉人
筆下調金石花間領搢紳邨堪趨葬日哭渡柳楊津
涼國惠康公主挽歌

玉立分堯緒笄年下相門早加于氏對偏占館陶恩
淚有潛成血香無却返魂共知何駙馬猨白抱天孫

哭張倉贇南史

萬事竟蹉跎重泉恨若何官臨環衛小身逐轉蓬多
麗藻嘗專席閒情欲爛柯春風宛陵路丹旆在滄波

過宋氏五女舊居

宋氏女姊五人貞元中同入宮

謝廷風韻婕妤才天縱斯文去不迴一宅柳花今侶
雪鄉人擬築望仙臺

奉寄辰州房使君郎中

漢代文明今盛明猶將賈傅暫專城何妨密旨先符
竹莫是除書誤姓名蝸舍喜時春夢去隼旗行處瘴
江清新年只可三十二却笑潘郎白髮生

酬竇大閒居見寄

辰州刺史房孺復

來自三湘到五谿青風無樹不損號名慙竹使官

情少路隔柰源歸息迷鵬鳥賦成知性命鯉魚書
至恨睽攜煩君强著潘年比騎省風流詎可齊

北固晚眺

水園芒種後梅天風雨涼露螢開晚簇江鷺繞危檣
山趾北來固潮頭齒去長年年此登眺人事幾銷亡

謁三閭廟

君非三諫寤禮許一身逃自樹終天戚何裨事主勞
衆負應餌骨多士盡舖糟有客枿漿奠文衰不繼騷

故國子司業贈給事中扶風竇府君詩

府君諱牟字貽周家世所傳載於首序府君貞元
二季舉進士與從父弟故相贈司徒易直故相贈
少師李公夷簡故兵部侍郎張公賈故工部侍郎
張公正甫同年上第府君初授祕校東都畱守從
事歷河陽三城從事累轉協律郎評事監察御史
裏行府罷復爲留守判官轉殿中侍御史尋爲昭
義節度判官累遷檢校水部員外轉本司郎中兼
御史賜緋魚袋後爲留守判官檢校尚書都官郎
中出爲澤州刺史改國子司業長慶三年春寢疾
告終于宣平里之私第享年七十四嗣子周餘任
祕書丞今上卽位恩覃內外准赦文大中四季贈

給事中府君和粹積中文華發外唯琴与酒克儉
于家時人以爲有肯古風韻世爲五言詩加以筆
述文集十卷未暇編錄

史館候別將拾遺不遇

千門萬戶迷佇立月華凶畫戟晨光動春松宿露低
主文親玉宸通籍入金閨肯念從戎去風沙事鼓鞞
早赴臨臺立馬待漏口踰寄弟羣

上陌行初盡嚴城立未開人疑早朝去客是遠方來
伏奏徒將命周行自引才可憐霄漢曙鴛鴦正裴徊
天津曉望因寄呈分司一二省郎

萬乘凶都去千門正位虛鑿龍橫碧落提象出華胥
望幸宮嬪老迎春海鷺初保釐纔半仗容衛盡空廬

要自詞難擬繇來畫不如散郎無所屬聊事穆清居

竇洛陽見簡篇章偶贈絕句

恭王傅楊憑

直用天才衆却曠應欺李杜久爲塵南荒不歿中
華老別玉翻同凶國人

奉酬楊侍郎十兄見贈之作

翠羽雕蟲日日新翰林工部欲何神自悲由瑟無彈
處今作關凶門下人

早入朝書事

紫陌紛如畫彤廷鬱未晨列星沉騎火殘月暗車塵
隱軼排霄翰羌池跨海鱗玉聲繅似樂香澤散成春
歎息驅羸馬分明識故人一生三不遇今作老郎身

秋夕閒居對雨贈別盧七侍御坦

蕪蕪辭巢蟬蛻枝窮居積雨壞籬籬
夜長簷雷寒無寢日晏厨烟溼未炊
悟主一言那可學從軍五百竟徒爲
故人驄馬朝天使洛下秋聲恐要知

杏園渡

衛郊多壘少年家南渡天寒日又斜
君子素風悲已矣杏園無復一枝花

元日喜聞大禮寄上翰林四學士中書六舍人

二十

有事郊壇畢無私日月臨歲華春夏
早天瑞雪猶深玉輦迴時令金門降
德音翰飛鴛別侶藪植桂爲林粉澤
資鴻筆薰和本素琴禮成戎器下恩
徹鬼方沉麟鬣來稱紀官師退絕箴
道風黃閣靜禪景紫垣陰

壽酒朝時獻農書直夜尋國香燼翠
幄庭燎絕紅衾漢魏文章盛堯湯雨
露湛密辭投水石精義出砂金宸扈
親唯敬鈞衡近匪侵疾駁千里駿清
喉九霄禽慶賜迎新服齋莊棄舊簪
忽息班女怨遙聽越人吟末路甘貧
病流年苦滯淫夢中青瑣闥歸處碧
山岑竊抃聞韶獲觀光想誅任大哉環
海晏不竿子牟心

緱氏拜陵迴道中呈李舍人少君

忽忝諸卿位仍陪長者車禮容皆若
舊名藉自憑虛上路花偏早空山雲
甚餘却愁新詠發酬和不相如陪韓
院長韋河南同尋劉師不遇

仙客誠難訪吾人豈易同獨遊應駐
景相顧且吟風藥碗瓊枝秀齋軒粉
壁空不顯三五字何以達壺公

同前

得尋

都官員外郎韓愈

秦官何年駐仙源此地深還隨躡躡騎未訪馭風
襟院閉青霞入松高老鶴尋猶疑隱形坐散起竊
桃心

同前

河南縣令韋執中

早上道遙境常懷汗漫期星郎同訪蒨羽客杳何
之物外求仙侶人間失我師不知柯爛者何處看
圍棋

奉誠園聞笛

園馬侍中整宅

曾絕珠纓吐錦茵欲披荒艸訪遺塵秋風忽灑鹵園
淚滿目山陽笛裏人

李舍人少尹惠家醞一小榼立書絕句

禁瑣天漿嫩虞行夜月寒一瓢那可醉應遣試嘗看
答竇二贊長留酒還榼一絕

河南少尹李益

榼小非由榼星郎是酒星解醒元有數不用嚇劉伶
送東光呂少府之官連帥奏授

遠愛東光縣平臨若木津一城先見日百里早驚春
德禮邀才重恩輝拜命新幾時裁尺素滄海有枯鱗
送劉公達判官赴天德軍幕

特建青油幕量分紫禁師自然知召子不用問從誰
文盞輕車少腥膻左衽衰北風如有寄畫取受降時

軍有東鹵
受降城

故秘監丹陽郡公延陵包公挽歌

台鼎嘗虛位，蔓龍莫致堯。德音冥秘府，風韻散清朝。
天上文星落，林端玉樹凋。有吳君子墓，返葬故山遙。

晚過敷水驛却寄華州使院張鄭二侍御

春雨如煙又若絲，曉來昏處晚晴時。仙人掌上芙蓉
沼，柱史關前松柏祠。幾許歲華銷道路，無窮王事繫
戎師。迴瞻二妙非吾侶，日對三峯自有期。

洛下閒居夜晴觀雪寄四遠諸兄弟

雪月相輝雲四開，終風助凍不揚埃。萬重瓊樹宮中
接，一直銀河天上來。荆楚歲時知滌翰，湘吳醇酎憶
銜杯。強顏素無顏色，鴻雁南飛早晚迴。

奉酬侍御家兄東洛閒居夜晴觀雪之什

試國子主簿庠

洛陽宮觀與天齊，雪淨雲銷月未西。清淺乍分銀
漢近，輝光漸覺玉繩低。綠醺乍熟堪聊酌，黃竹篇
成好命題。應念孟關山斷處，空愁簿領候晨雞。

奉使至邢州贈李八使君

獨占龍岡部，深持虎節居。盡心敷吏術，含笑掩兵書。
禮飾華纓重，才牽雅製餘。茂陰延驛路，溫液逗官渠。
南畝行春罷，鹵樓待客初。甕頭開綠蟻，砧下落紅魚。
牧伯風流足，輜軒若澀虛。今宵鈴閣內，醉舞復何如。

秋日洛陽官舍寄上水部家兄

洛陽歸老日，此縣忽爲君。白髮兄仍見，丹誠帝豈聞。
九衢橫逝水，二室散浮雲。屈指豪家盡，傷心要地分。
禁中周幾鼎，源上漢諸墳。貌扁今無半，狐狸宿有群。

威嚴慙比部仁化樂南蕘野藥飢來食天香靜處林
壯年唯喜酒幼學便詞文及爾空衰暮離憂詎可聞
酬舍弟牟秋日洛陽官舍寄懷十韻

尚書水部員外郎常

幼爲逃難者纔省用兵初去國三苗外全生四絕
餘老頭親帝里歸處失吾廬逝水猶嗚咽祥雲自
卷舒正郎曾首拜亞尹未平除幾變陶家柳空傳
魏闕書思凌天際鶴言甚轍中負玉立知求已金
穀乍起予在朝負水分多病雪霜居忽報陽春曲
縱橫恨不如

望終南

日愛南山好時逢夏景殘白雲兼侶雪清晝乍生寒

九陌峯如墜千門翠可圍欲知形勝盡都在紫宸看

酬舍弟庠罷舉從州辟書

之荆且願依劉表折桂終慙見郗詵舍弟未應絲作
鬢園公不用印隨身

故朝議郎御史中丞容管經畧使賜紫金魚袋贈左
散騎常侍扶風竇府君詩

府君諱羣字丹列家世所傳載於首序府君由弱
冠不樂進士之科便於著書耕墾墳籍旣孤且蔬
素自適著書於毗陵之鹵偏給長兄之俸而与諸季
安於膝下者十稔洎再罹內艱殆盡而復肯者數
四厥後郡守給事中京兆韋公夏卿知公召爲江
左文雅無出其右適貞元十年詔徵天下隱居丘
園不求聞達之士韋公遂薦焉与桂山處士劉明
素同表公之言云受天清氣与滄道遙時人以爲
孔北海拔禰衡之文不之過也其時天下慰薦九
人公獨不除授其後韋公移牧吳郡又以公所著

史記名臣疏三十四卷進入皆寢而不報人皆異之公自以爲通塞繫于命靜而俟之厥後韋公入爲天官侍郎改京兆命中謝之日德宗与之緒言韋進曰臣忝居達官而竊負其位上曰卿有何負奏曰臣守毘陵日薦處士竇群於時獨蒙不錄後臣在蘇州又進竇群所著名臣疏又蒙不答臣以爲以人而廢在臣則當然言群則屈上乃驚曰卿之知人固無疑卒不問者乃宰執之失也便宣卽令召對此貞元十八年也公卽日起于衡必白衣召見上謂公曰夏卿知卿卿有何蘊蓄得以盡言公從容對曰臣無蘊蓄第讀書俟時夫蘊蓄者迹在近班進有所不納諫有所不聽臣卽蘊蓄如臣處於艸

茅但仰玄化而已實無蘊蓄上甚竒其對便宣令付中書卽除諫官釋褐授右拾遺居無何祕監張公薦和蕃請公爲判官因改侍御史其後有故不行請復本列上許遂守侍御史俄兼領雜務德宗晏駕改膳部員外郎出爲唐州刺史司空于公鎮漢南奏公爲節度副使檢校兵部郎中兼中丞加金紫居無何除吏部郎中遷御史中丞以舉職太過出爲黔中觀察使後以十洞擾亂准詔用兵翦伐事平公坐貶開州刺史亦旣周歲除容管經畧使憲宗以公守官無隱患欲大用因急詔追入中路遘疾終於衡州旅館享年五十五贈左散騎常侍公有子曰謙餘審餘偕孝敬相率審餘應進士

公天授和粹亮直孤峻著書俟用隱於衡泌未嘗
以名利枉其所守時論以公有公輔之望卒無所
伸文集散落未暇編錄

題劍

丈夫得寶劍束髮曾書紳嗟吁一朝遇願言千載隣
心許留家樹辭直斷佞臣焉能爲繞指拂拭試時人

黔中書事

萬事非京國千山擁麗譙佩刀看日曬賜馬傍江調
言語多重譯壺觴每獨謠沿流如著翅不敢問歸橈
初入諫司喜家室至

一旦悲懽見孟光十年辛苦伴滄浪不知筆硯綠封
事猶問傭書日幾行

艸堂夜坐

匣中三尺劍天上少微星勿謂相去遠壯心曾不停

冬日曉思寄楊二十七鍊師

一作鍊師

雨霜地如雪松桂青參差鶴警晨光上步出南軒時
所遇各有適我懷亦自怡願言緘素封昨夜夢瓊枝
貞元末東院嘗接事今鹵川武相公于茲三周
謬領中憲裴徊廳宇多獲文篇夏日卽事因寄

四韻

重軒深侶谷列柏鎮含煙境絕蒼蠅到風生白雪肯
彈冠驚迹近專席感恩偏霄漢朝來下油幢路幾千

晨興贈友寄呈竇開川

鹵川節度使檢校吏部尚書兼門下

侍郎同中書門下平章事武元衡

江城歲方晏晨起眇庭柯白露傷紅葉清飈斷綠
蘿徇時真氣索念遠憂懷多宿管東山意縱橫南
浦波有美嬋娟子百慮攢雙蛾絨情鬱不舒絲竹
自駢羅爲予歌苦寒有酒朱顏酡髯髮倏云變功
名將奈何

奉酬鹵川武相公晨興贈友見示之作

碧樹分曉色宿雨弄清光猶聞子規嘯獨念一畝長
眷眷軫芳息依依寄遠方情同如蘭臭惠比返菟香
新什驚變雅古瑟代沈湘躬勤見知己揜抑繞中腸
隙駟不我待路人易相忘孤老空許國幽報期蒼蒼
竇三中丞去歲有臺中五言四韻之什未及

酬答承領鎮黔南途經蜀門百里而近願言
欸覲封略間之因追酬曩篇持以爲贈

劍南鹵川節度使檢校吏部尚書

兼門下侍郎同平章事武元衡

在管謬司憲嘗僚唯有君報恩如皎日致位等青
雲削橐書難見除苛事早聞雙旌不可駐風雪路
歧分

雪中寓直

寒光凝雪彩限直居粉闈恍疑白雲上乍覺金印非
封色靄虛空琴聲諧素徽明晨阻通籍獸臥挂朝衣

同前

吏部員外郎韋貫之

耿耿風雪算直廬未揜扉詠蘭幽助興儷玉粲相

聯珠集
五
輝氣勁琴韻切夜深鑪火微雖殊江海遠卽此戀
彤闈

春雨

昨日偷閒看花了今朝多雨奈人何人間盡是逢花
雨莫愛芳菲溼綺羅

東山月下逢友人

東山多喬木月午始蒼蒼雖殊碧海狀愛此青苔光
高下滅華燭參差啓洞房佳人夢餘思寶瑟愁應商
皎潔殊未已沈吟限一方宦情晒雞口世路倦羊腸
波美金石分眷言蘭桂芳清暉詎同夕耿耿但相望
贈劉大兄院長

萬年枝下管同趨三事行中半已無路自長沙忽相

見芙蓉雙鬢別來殊

奉酬竇三中丞見贈

金州員外司馬劉伯翁

多幸嘗陪侍玉墀俄驚負譴阻天涯今日相逢問
榮悴更嗟年鬢颯然衰

經潼關贈宇文十

古有弓旌禮今徵艸澤臣方同白衣見不是棄繻人
送內弟袁德師

南渡登舟卽水仙鹵垣有客思悠然因君相問爲官
意不賣毗陵負郭田

觀畫鶴

華亭不相識衛國復誰知悵望冲天羽甘心任畫師

北地

何事到容州臨池照白頭興隨年已往愁与水長流
僂俛息逋客辛勤悔飯牛詩人亦何意樹艸欲忘憂
時興

夙心曠何許日暮依林薄流水不待人孤雲時映鶴
濛濛千萬花曷爲神仙藥不遇爛柯叟報非舊城郭
雨後月夜寄懷羊二十七資州

夕霽涼飈至翛然心賞諧清光松上月虛白郡中齋
置酒平生開衿願見乖躬勤寄雙鯉夢想入君懷
晚自臺中歸永寧里南望山色悵然有懷呈上
右司十一兄

白髮侵侵生有涯青襟曾夢紫河車自憐悟主難歸

去馬上看山恐到家

假上尋花

峇陵綠源不可到河陽帶縣詎堪誇枝枝如雪南關
外一日休閒盡屬花

中牟縣經魯公廟

嘗修名臣畧
繫司徒公

青史編名在篋中故林遺廟揖仁風還將文字如顏
色暫下蒲車爲魯公

故朝議郎婺州刺史上柱國扶風寶府君詩

府君諱庠字曹卿家世所傳載于首序府君初應
進士感於知己一言遂從事於商洛授國子主簿
未幾而罷後吏部侍郎韓公出鎮武昌美公之才
辟爲節度推官以監察御史俄而昌黎移鎮京口
用爲度支副史改殿中侍御史昌黎却入公至輦
下遷漳州刺史秩滿時光祿卿范公由吳郡領宛
陵奏公試太子中允兼侍御史爲團練副使加章
服府罷除奉天縣令遷登州刺史昌黎公留守東
都又奏授公爲汝州防禦判官改檢校戶部員外
郎兼侍御史後遷信州刺史三載轉婺州亦旣二
載遘疾告終於東陽之官舍享年六十有二公天

授侗儻氣在物表一言而合期於歲寒爲五字詩
頗得其妙嗣子匡餘疾沒世次曰繇晉州司法次
曰載國子監直講皆克荷素風聿脩官業詩筆楸
落編錄未遑

太原送穆贛南遊

今朝天景清秋入晉陽城露葉離披處風蟬三數聲
那言苦行役值此遠徂征莫話心中事相看氣不平
四皓驛聽琴送王師簡歸湖南使幕

朱絃韻正調清夜侶聞韶山館月猶在松枝雪未消
城笳三奏曉別鶴一聲遙明日息君處春泉翻寂寥
夜行古戰場

山斷塞初平人言古戰庭泉冰聲更咽陰火燄偏青

月落雲沙黑風迴艸木腥不知秦與漢徒欲弔英靈
竇五判官罷舉赴商州辟書袖文相訪書懷

話舊因抒鄙辭

重表兄太府卿賜紫金魚袋韋渠牟

故舊相逢三兩家夢君兄弟有殷華文揮錦綵珠
垂露興逸江天綺散霞美玉自矜頻獻璞眞金誰
與細披沙終須撰取新詩品更比芙蓉出水花

酬謝韋卿二十五兄俯贈輒設書情

大賢持贈一明璫蓬華初驚滿室光埋沒劍中生紫
氣塵埃瑟上動清商荆山璞在終應識楚國人知不
是狂莫恨伏轅身未老會將筋力是王良

段都尉別業

曾識將軍段匹磾幾場花下醉如泥春來欲問林園
主桃李無言鳥自號

靈臺鎮贈丘岑中丞

曉日天山雪半晴紅旗遙識漢家營近來胡騎依南
牧羊馬城邊春艸生

奉和王侍郎春日喜李侍郎崔給諫張舍人韋
諫議見訪因命觴觀樂之什

華館遲嘉賓逢迎泚景新錦筵開絳帳玉佩下朱輪
曲裏三仙會風前百轉春欲知忘味處共仰在齊人
勅目至家兄蒙淮南僕射杜公奏授祕校兼節
度參謀同書寄上

朝市三千里園廬二十春步兵終日飲原憲四時貧

桂樹留人久蓬山入夢新鶴書承處重鵲語喜時頻
艸奏才偏委嘉謀事最親榻因徐孺解醴爲穆生陳
衛國今多士荊州好寄身烟霄定從此非假問陶均

贈道勞上人

上人善
畫松石

雲溼煙封不可闕畫時唯有鬼神知幾迴逢著天台
客認得崑崙最老枝

金山寺

一點青螺碧浪中全依水府與天通晴江萬里雲飛
盡鼉背參差日氣紅

酬韓愈侍郎登岳陽樓見贈

時子權知
岳州事

巨浸連空濶危樓在杳冥稍分巴子國欲近老人星
昏且呈新候川原按舊經地圖封七澤天限鎖重扃

萬象皆歸掌三光豈遁形月車纔碾浪日御已翻溟
落照金城柱餘霞翠擁屏夜光疑漢曲寒韻辨湘靈
山晚雲常碧湖春艸徧青軒黃曾舉樂范蠡幾揚舲
有客初畱鷓貪程尚數冀自當徐孺榻不是謝公亭
雅論冰生水雄材刃斲硯座中瓊玉潤名下菡蘭馨
假手誠知拙齋心匪甞寧每慙公府粟却憶故山苓
苦調當三歎知音願一聽自悲由也瑟敢墜孔悝銘
野杏初成雪松醪正滿瓶莫辭今日醉長恨古人醒
冬日寓懷奉寄翰林王補闕

滿地霜蕪葉下枝幾迴吟斷四愁詩漢家若欲論封
禪須及相如未病時

醉中贈符載

白社會中嘗共醉青雲路上未相逢時人莫小池中
水淺處無妨有臥龍

東都嘉亮亭詩

獻留守韓僕射

卜築三川上儀刑萬井中度材絜後儉選勝揜肯功
雲構中央起煙波四面通乍疑游汗漫稍似入崆峒
屢閉高低盡山河表裏窮峰巒從地碧宮觀倚天紅
靈檻如朝蜃飛橋狀晚虹曙霞晴鎔落夕靄溼葱蘢
庾亮樓何阨陳蕃榻叟崇有時閒講德永日靜觀風
玉笋飛無算金鏡奏未終重筵開玳瑁上客集鸚鵡
接武空慙塞脩文設竝雄豈須登峴首然後奉羊公
留守府酬皇甫曙侍御彈琴之什

青瑣晝無塵碧梧陰侶水高張朱絃琴靜舉白玉指

洞簫又奏鯨寒磬一聲起鶴警風露中泉飛雪雲裏
泠泠分雅鄭析析諧宮徵座客無塵心巢禽亦傾耳
衛國知有人齊竽偶相齒有時趨絳紗盡日隨朱履
那令雜鯨手出假求隼尾幾載遺正音今朝自君始

龍門看花

無葉無枝不見空連天撲地逕纔通山鷺驚起酒醒
處火燄燒人雪噴風

金山行

潤州金山寺寺在恁

鹵江中瀰波四截湧出一峯青堞堞外如削成中缺
裂陽氣發生陰氣結是時炎天五六月上有火雲下
冰雪夜色晨光相蕩沃積翠流霞滿坑谷龍泓徹底
沙布金鳥旃插雲梯甃玉架險凌虛隨指顧棖楠玲

瓏皆固護幹流倒景不可窺萬仞千崕生跬步日華
重重上金牘丹楹碧砌真珠網此時天海風浪清吳
楚萬家皆在掌瓊樓茵閣分明媚曲檻迴軒深且邃
海鳥夜上珊瑚枝江花曉落瑠璃地有時倒影沈江
底萬狀分明光侶洗不知水上有樓臺却就波中看
啓閉舟人忘却江水深水神誤到人間世歛然風生
波出沒濯濯晶瑩無定物居人相顧非人間如到日
宮經月窟信知靈境長有靈住者不得無仙骨三神
山上蓬萊宮徒有丹青人未逢何如此處靈山宅清
涼不与囂塵隔曾到金山處處行夢魂長羨金山客

于闐鐘歌

送靈徹上人歸越

靈嘉寺鐘按越中記此鐘本于闐國寺鍾因風雨失

鐘所在有天竺僧過于闐識此鐘于越靈嘉寺至今
鎖在寺樓

海中有國傾神功烹金化成九乳鐘精氣激射叢冲
融護持海底諸魚龍聲有感神無方連天雲水無
津梁不知飛在靈嘉寺一國之人皆若狂東南之美
天下傳環文萬象無雕鐫有靈飛動不設懸鎖在危
樓五百季有時清秋日正中繖霜滿地天無風一聲
洞徹八音盡萬籟悄然星漢空徒言凡質千鈞重一
夫之力能振動大鳴小鳴須在君不擊不考終不聞
高僧訪古稽山曲終日當之言不足手提文鋒百鍊
成恐刺此鐘無一聲

陪留守僕射巡內至上陽宮感興

翠輦鹵歸七十春玉堂珠綴儼埃塵
皇弓劍埋何處泣問上陽宮裏人
愁雲漠漠艸離離太液鈎陳處處疑
薄算毀垣春雨裏殘花猶發萬年枝

故武昌軍節度副使朝散大夫檢校祕書監兼御史
中丞扶風竇府君詩

府君諱鞏字爰封家世所傳載于首序府君元和
二季舉進士與今東都留守左僕射孫公簡故吏
部侍郎興元節度使王公源中中書舍人崔公咸
制誥李公正封同年上第府君世傳五言詩頗得
其妙故相淮陽公鎮滑臺辟爲從事釋褐授祕校
淮陽移鎮渚宮遷峴首改協律郎二府專掌奏記
淮陽下世司空辟公平鎮青社辟公爲掌書記又
改節度判官副使累遷至大理評事監察御史裏
行殿中侍御史檢校祠部員外郎章服後辟公入
爲民贖府君除侍御史轉司勳員外郎遷刑部郎

中文昌故事文酒之爲由公復振也故相左轄元
公出鎮夏口固請公副戎分實舊文詞不能免遂
除祕書少監兼中丞加金紫無何元公下世公亦
北歸道途遘疾迨至輦下告終于崇德里之私第
享年六十三有子六人長曰景餘疾歿世次歸裕
見任晉陽令俱力學脩文孝敬相率公溫仁華茂
風韻峭逸遇境必言詩言之必破的佳句不泯傳
於人間文集散落未暇編錄

老將吟

烽煙猶未盡年鬢暗相催輕敵心空在彎弓手不開
馬依秋艸病柳傷故營摧唯有酬恩客時聽說劍來

贈蕭都官

蕭郎自小賢愛客不言錢有酒輕寒夜無愁倚少年
閒尋織錦字醉上看花舫好是關身事從人滯性偏

江陵遇元九李六二侍御紀事書情呈十二韻

自見人相愛如君愛我稀好閒容問滯攻短每言非
夢想何曾間追歡未省違看花憐後到避酒許先歸
柳寺春堤遠津橋曙月微渙翁隨去處禪客共因依
蓬閣初疑義霜臺晚畏威學深通古字心直觸危機
宵滯荊州掾猶香柏署衣山連巫峽秀田傍渚宮肥
美玉方齊價遷鸞尚恹飛佇看霄漢上連步待彤闈
酬竇七相贈依次重用本韻

江陵府士贖叅軍元稹

風波千里別書信二年稀乍見悲兼喜猶疑是与

非身名判作夢栢盞莫相違艸館同牀宿沙頭待
月歸春深鄉路遠老去宦情微魏闕何由到荊州
且笑依人欺翻省事官冷易藏威刺擬馴鷗鳥無
因用弩機看和松葉酒閒施稻田衣蓴菜銀絲嫩
鱸魚雪片肥憐君詩侶湧贈我筆如飛會遣諸伶
唱篇篇入禁闈

忝職武昌初至夏口書事獻府王相公

白髮放橐鞬梁王愛舊全竹籬江畔宅梅雨病中天
時奉登樓謾閒脩上水船邑人興謫易莫遣鶴口錢
戲酬副使中丞見示四韻

武昌軍節度使檢校戶部尚書元稹

莫恨暫橐鞬交游幾箇全眼明相見日肺病欲秋

天五馬虛盈極雙蛾浪滿船可憐俱老大無處用
閒錢

微之見寄與竇七酬唱之什本韻外勇加二
韻 河南尹白居易

旌鉞從橐鞬竇寮情禮全夔龍來要地鴛鴦下寥
天赭汗騎驕馬青蛾舞醉仙合成江上作散到洛
中傳窮巷能無酒貧池亦有船春衰秋未寄漫
足閒錢

竇七中丞見示初至夏口獻元戎詩輒戲和之

山南東道節度使檢校司

徒兼侍中晉國公裴度

出佐青油幕來吟白雪篇須爲九臯鶴莫上五湖

船故態君應在新
轂我亦僂元侯
看再入好被暫
留連

鄂州使至竇七副使中丞見示与元相公獻
酬之什鄙人任戶部尚書時中丞是當司員
外郎每示篇章多相唱和今因四韻以寄所
懷

吏部尚書令狐楚

仙吏秦城別新詩鄂渚來才推今八米職副舊三
台雕鏤心偏許緘封手自開何年相贈答却得在
中臺

早秋江行

迴望溢城遠
鹵風吹荻花
暮潮江勢潤
秋雨雁行斜

多醉渾無夢
頻愁欲到家
漸驚雲樹轉
數點是晨鷄

題任處士幽居

紅葉江邨夕
孤煙艸舍貧
水清魚識釣
林靜犬隨人
探掇山無主
扶持藥有神
客來唯勸酒
蝴蝶是前身

南遊感興

傷心欲問肯
朝事唯見江
流去不迴日
暮東風春艸
綠鷓鴣飛上
越王臺

放魚

金錢贖得見
刀痕聞漸禽
魚亦感恩好
去長江千萬
里不須辛苦
上龍門

漢陰驛与宇文十相遇旋歸鹵川固以贈別

吳蜀何季別相逢
漢水頭望鄉心
共醉握手淚先流

宿霧千山曉春霖一夜愁離情方浩蕩莫說去刀州

早春松江野望

江邨風雪霽曉望忽驚春畊地人來早營巢鵲語頻
帶花移樹小插槿作籬新何事勝無事窮通任此身

陝府賓堂覽房社二公仁壽年中題紀手迹

仁壽元和二百季濛籠水墨淡如煙當時憔悴題名
日漢祖龍潛未上天

登玉鈞亭奉獻淮南李相公

鹵南城上高高處望月分明似玉鈞朱檻入雲看鳥
滅綠楊如薺遶江流定知有客嫌陳榻從此無人上
庾樓今日卷簾天氣好不勞騎馬看揚州

早春送宇文十歸吳

春遲不省似新年一月無花雪滿天邨店閉門何處
宿夜深遙喚隔江船

新一作今
隔一作渡

少婦詞

坐惜年光變遼陽信未通
蕤迷新畫屋春識舊花叢
夢繞天山外愁翻錦字中
昨來誰是伴鸚鵡在簾櫳

歲晚喜遠兄弟至書情

幾年滄海別相見意多違
鬢髮緣愁白音書爲懶稀
新詩徒有贈故國未同歸
人事那堪問無言是與非

南陽道中作

東風雨洗順陽川蜀錦花開綠艸田
彩雉鬪時頻駐馬酒旗翻處亦留錢
新晴日熨山頭雪薄算人爭渡口
船早晚到家春欲盡今年寒食月初圓

哭呂衡州八郎中

今朝血淚問蒼蒼不分先悲旅館喪人送劍來歸隴
上雁飛書去叫衡陽還家路遠兒童小埋玉泉深晝
夜長望盡素車秋艸外欲將身贖返魂香

贈阿史那都尉

較獵莫山經幾春雕弓白羽不離身年來馬上渾無
力望見飛鴻指似人

經竇車騎故城

荒坡古堞欲千年名振圖書劍在泉今日諸孫拜墳
樹愧無文字續蕪然

遊仙詞

海上神山綠溪邊杏樹紅不知何處去月照玉樓空

輦囁嚅詩一何神妙恨此少不見其集聯珠之最

也戊戌歲中元甫一日夷門旅舍書 潛夫

夜吟竇集追思夷門顯處已三稔矣悽然感興
書之

注歲記時梁苑後今宵吟處洛城秋浮生瞥電人
何在懷舊傷心淚迸流三徑竹風隣笛怨一庭霜
月并梧愁妻兒未會余惆悵只怪鐙前不舉頭
自輦而下皆 大夫所題慕而錄之

甲子歲春初中儀李公偕此書抄寫得無何 祕
監李公偕去云已失墜不復相還余嘗讀此集寤
寐思之至夏末忽投書於 致政大夫果蒙見偕
所恨自少閒暇令扎吏抄錄故多謬誤躬親校勘

頗亦改正因得吟味喜不自勝刑部員外郎兼太常博士和記

時乾德二年六月廿五日雨霽

嶧讀過

余家所藏和峴所校五竇詩世少其本和所跋甲子歲卽乾德二年也祕監尹公者尹拙也致政大夫者吏部尚書致仕張昭也昭字潛夫顯鞏詩後一篇稱潛夫者卽昭也刑部外郎兼太常博士和者峴也後有顯嶧讀過者峴季弟也惟中儀李公當時爲禮部侍郎而李姓者偶忘其爲何人遠方無書可攷姑俟知者今刊諸公府庶永其傳淳熙五年四月旦日

朝散大夫權知蘄州軍州事北海王崧書

竇焮向五子曰常曰牟曰羣曰庠曰鞏西江褚巖言輯其詩各有小叙大畧已見矣但常牟庠鞏皆登第羣獨夷然不屑客隱于毘陵至如齧指置母棺中及對德宗數語又五人中傑出者宜唐史獨著其傳而兄弟附焉第其父叔向詩不可多得據宋洪容齋云五竇之父焮向善五言詩而畧無一首存于今荆公百家詩選亦無之是可惜也余嘗得吳良嗣家所抄唐詩僅有焮向六篇皆奇作念其不傳于世今悉錄之夏夜宿表兄話舊云夜合花開香滿庭夜深微雨醉初醒遠書珍重何時達舊事淒涼不可聽去日

兒童皆長大昔年親及半凋零明朝又是孤舟
別愁見河橋酒幔青秋砧送包大夫云斷續長
門夜清冷逆旅秋征夫應待信寒女不勝愁帶
月飛城上因風散陌頭離居偏入聽况復送歸
舟春日早朝應制云紫殿俯千官春從應合歡
御爐香焰暖馳道玉聲寒乳鷲翻珠綴祥鳥集
露盤宮花一萬樹不敢舉頭看過檐石湖云曉
發魚門代晴看檐石湖日銜高浪出天入四空
無咫尺分洲島纖毫指舳艫渺然從此去誰念
客帆孤正懿挽歌二首云二陵恭婦道六寢盛
皇情禮遜生前貴恩追歿後榮幼王親捧土愛
女復連塋東望長如在誰云向玉京後庭攀画

柳陌上咽青笳命婦羞蘋葉都人插柰花壽宮
星月異仙路往來賒縱有迎神術終悲隔絳紗
第三篇亡矣又据宋計敏夫云竇妣向字遺直
京兆人代宗時常袞為相用為左拾遺內供奉
及貶亦出為溧水令有寒食賜火詩云恩光及
小臣華燭忽驚春電影隨中使星輝拂路人幸
因榆柳暖一照草茅貧端午日恩賜百索云仙
宮長命縷端午降殊私事盛蛟龍見恩深犬馬
知餘生倘可續終冀答明時酬李袁州嘉祐云
少年輕會復輕離老大關心總是悲強說前程
聊自慰未知携手定何時公才屈指登黃閣匪
服胡顏上赤墀想到長安誦佳句滿朝誰不念

瓊枝自宋迄今歷幾百年余所見殊向詩反多
于容齋始信詩文顯晦故自有時匪關歲月之
先後久暫也又得聶需翁絕句六首代鄰叟云
年來七十罷畊桑就暖支羸強下床滿眼兒孫
身外事閒梳白髮對殘陽永寧小園寄接近較
書云故里心期奈別何手栽芳樹憶庭柯東臯
黍熟君應醉梨葉初紅白露多寄南遊弟兄云
書來未報幾時還知在三湖五額間獨立衡門
秋水濶寒霞飛去日銜山新營別墅寄兄云懶
性如今成野人行箴由興不由身莫驚此度歸
來晚買得山居正值春自京將赴黔南云風雨
荊州二月天問人初雇峽中船西南一望雲和